

Te mataora nei tatou i te reva e te ora'anga meitaki o Queensland nei. Tera ua ra, ko te au turanga natura manamanata mei te matangai puaioio, te uria e te vai puke, e au turanga tinamou teia i konei i te ngai e noo nei tatou. Kua oti i te au mea tei tupu ana i mua atu i te akaari mai e, auraka tatou kia noo vare ua i te au tumatetenga ta teia au manamanata kino pakari ka akatupu.

Kamata'ia i teia taime tikai i te teatea-mamao no te au kino pakari viviki te ka tupu ake ma te:

Teatea-mamao'ia tetai Parani No te Tuatau Kino Pakari Viviki

Teatea-mamao'ia tetai Ko'u Apinga Tauturu no te Tuatau Kino Pakari Viviki

Teatea-mamao'ia to kotou ngutuare

Akarongo'ia atu te au Tuatua Akamatakite'anga

Akara teatea-mamao'ia atu te au ngutuare i te pae mai ia kotou.

E au tuanga angaanga mama teia i te rave, e ka riro i te tauturu ia kotou kia papa, kia ora e kia iti te au kino ta te turanga natura ka akatupu.

Kia matakite kia kore kotou e rokoia e te kino, ta te matangi puaioio, me kore ra, ta te uria ka akatupu. Akamata'ia te au ravenga teatea-mamao'anga i teia taime tikai!

No tetai au akakitekite'anga ke no runga i te teatea-mamao'anga no te au kino pakari viviki – atoro'ia atu te:
www.disaster.qld.gov.au

E tuanga puapinga maata te kite matau i te au ngutuare i te pae mai ia kotou, e ko tetai teatea-mamao'anga tauturu teia i to kotou ngutuare. E au tuanga tauturu tuketuke ta te au ngutuare waitata ka rauka i te rave, e ko te au ngutuare tangata teia i runga i to kotou mataara, me kore ra, i roto i to kotou oire.

Kia kite matau kotou i te au ngutuare i te pae mai ia kotou.

E tuatua rongonui to te iti tangata o Queensland ia ratou me matuapuru mai ki te ngai okotai no te tauturu atu tetai i tetai, e te au tauturu tuketuke ta te au ngutuare waitata e oranga ana tetai ki tetai. Ko te au ngutuare tangata waitata ki te pae i tetai e tetai, ko te au ngutuare tangata teia i runga i to kotou mataara, me kore ra, i roto i to kotou oire.

Penei, e au aronga tetai i roto i to kotou oire tei anoano maata i te tauturu no ratou ua, me tupu ake te kino pakari viviki – e ka rauka katoa te tauturu no ko mai te au ngutuare waitata ia ratou.

E akamanako i te au aronga i roto i to kotou oire te ka anoano i taau tauturu; mei tera te akara'anga:

Te aronga uki pakari e noo ra ko ratou anake ua i roto i to ratou ngutuare.

Te aronga turanga kopapa - apikepike, me kore ra, te au turanga maki tukau i to kopapa.

Te aronga tei tu'ia e te maki kino pakari, me kore ra, kua rokoia e te maki manako (mental illness).

Tetai metua okotai koia anake ua e tana au tamariki rikiriki e noo ra.

Te au ngutuare tangata maata.

Te aronga tae ou mai ki te reira ngai, mei te aronga turoto, te au tangata tuitarere (refugees), me kore ra, te aronga ou no tetai au enua ke.

Kapi 1 ki te 2
Cook Islands Maori

© 2013 Department of Community Safety

Ko teia tata'anga, e tuatua akakitekite ua e kua raveia teia ma te ngakau irinaki meitaki e kua tau te reira. Kare te Department of Community Safety, te Emergency Management Queensland, te State Emergency Service e ariki i tetai atu aka'apa'anga me rokoia tetai tangata e te turanga kino e tona au apinga (e pera katoa te au kino tei tupu i muri mai) kia aia. Kare katpa e ariki'ia tetai akaapa'anga me kua irinaki tetai au tangata ki runga i teia au tuatua akamarama'anga.

Eaa ta kotou ka tau kia rave?

E komakoma atu kotou ki te au ngutuare waitata mai kia kotou, kia kite kotou e, koai ma, penei ake, ka anoano i tetai tauturu – kia maara rai kotou e, e umuumu ana te maata'anga o te tangata i to ratou turanga ora'anga kia kore e riro ei kite'anga na te katoatoa.

Tata'ia tetai akapapa'anga no te au angaanga tauturu tuketuke ta te au ngutuare ka rauka i te oronga tetai ki tetai. E turanga kite pakari ainei to tetai tangata; tera ra e, i te angaanga rapakau maki, te angaanga maani matini, te angaanga okooko?

Parani'ia e, ka akapeea te au ngutuare i te angaanga kapiti'anga i muri ake i te tupu'anga tetai kino pakari viviki.

Akanoo'ia tetai pupu tangata o te oire no te rave angaanga (working bee) – ko tetai ravenga puapinga teia e kite matau ei kotou i te aronga o te au ngutuare waitata mai kia kotou.

Tetai au turanga akara'anga no kotou kia kite kotou i te au ravenga no te tauturu'anga atu i tetai aronga ke.

- E turanga maki kopapa tukau i to Bill e ka anoano'ia tetai tangata kia akakite kiaia me kino ake te reva, e pera katoa me akakore ia teia au akakite'anga.

- Kare e rauka ia Joan i te tiki i te au apinga teima'a e ka anoano'ia tetai tauturu nona i te akaneke i tona au apinga ngutuare me ka tupu ake te vai puke.

- Me mate ake te uira o te a'i, ka anoano'ia te tauturu no Jack no te teatea-mamao'anga i tana au kai no tona au tuatau kaikai'anga e no te akakite atu anga ki tona kopu tangata.

- Tei runga a Sally i te noo'anga uira e ka anoano'ia te tauturu nona no te tamou i te au apinga rikiriki i tona kainga kia kore e pururu ki raro. E noo kite pae i te aronga o te au ngutuare waitata mai kia kotou, kapu ti, mate komakoma marie atu no runga i tei tupu.

Te tauturu'anga i te au ngutuare waitata mai kia kotou?

Tauturu'ia te akapapa'anga o te reira ngutuare ma te teatea-mamao no te kino pakari viviki te ka tupu ake na roto i te:

- Tauturu'anga i tetai parani no te ngutuare i te tuatau kino pakari viviki;

- Tauturu'anga teatea-mamao i tetai ko'u apinga tauturu me tupu ake te kino pakari viviki;

- Tauturu'anga i tetai parani no te au manu akaperepere a te ngutuare, me kore ra, no te au puaka-aoa, no te tuatau kino pakari viviki.

Tauturu'ia te kimi kia rauka mai te au apinga puapinga te ka tau no te tuatau kino pakari viviki.

Tauturu'ia te akaneke'anga i te au apinga e te au mea puapinga maata o te ngutuare kia kore e taena e te vai puke.

Oronga'ia atu te au tuatua akakitekite no te au mea e tupu ra.

Tauturu'ia te paruru i te ngutuare i mua ake ka tupu ei te uria.

Akanoo'ia tetai ngai akaruru'anga i te tuatau e tupu ra te kino pakari viviki.

Tauturu'ia te tamā i te tita i muri ake i tetai kino pakari viviki tei tupu.



**FLOOD STORM
EMERGENCY
132 500**

Ko te numero 132 500 ua te numero founu kia kapiki'ia me ka anoano koe i te tauturu a te State Emergency Service no te kino ta te uria, te vai puke, te au tumu rakau tei inga ki runga i te au are e tei takino i te punu tapoki are.

No tetai au tuatua akakitekite akaou no te teatea-mamao'anga no te au tuatau kino pakari viviki, atoro'ia atu te:
www.disaster.qld.gov.au.



Akara teatea-mamao'ia atu te au ngutuare vaitata mai kia kotou.

Akamaara meitaki – kia matakite kotou i te turanga noo'anga o te au ngutuare tangata vaitata kia kotou, e kare ratou e inangaro kia riro to ratou noo'anga ei kite'anga na tetai ke.

Te au akamarama'anga no te au ngutuare tangata vaitata kia kotou.

Te numero o te are	Te Ingoa Metua Kopu Tangata
Te au Mema o te Ngutuare Tangata	
Te au Manu Akaperepere (Te Tu e te au Ingoa)	
Te Au Numero Founu	
Te atereti i-mere	
Te Au Numero Founu no te Kapiki'anga i te Tuatau Kino Pakari Viviki	
Te Pirianga Kopu Tangata	
Te Au Tata'anga (mei tera ra e, ka anoano'ia te tauturu)	

Te numero o te are	Te Ingoa Metua Kopu Tangata
Te au Mema o te Ngutuare Tangata	
Te au Manu Akaperepere (Te Tu e te au Ingoa)	
Te Au Numero Founu	
Te atereti i-mere	
Te Au Numero Founu no te Kapiki'anga i te Tuatau Kino Pakari Viviki	
Te Piri'anga Kopu Tangata	
Te Au Tata'anga (mei tera ra e, ka anoano'ia te tauturu)	

Te numero o te are	Te Ingoa Metua Kopu Tangata
Te au Mema o te Ngutuare Tangata	
Te au Manu Akaperepere (Te Tu e te au Ingoa)	
Te Au Numero Founu	
Te atereti i-mere	
Te Au Numero Founu no te Kapiki'anga i te Tuatau Kino Pakari Viviki	
Te Piri'anga Kopu Tangata	
Te Au Tata'anga (mei tera ra e, ka anoano'ia te tauturu)	

Te au numero founu puapinga maata

Te Akava te au aronga tamate a'i e te Ambulance, (kia kapiki ia me te manako ra koe e, e turanga kino maata) e te kino pakari te ka tupu na roto i te kino pakari viviki.	Te Au Kino Pakari Viviki: Te 000 Triple Zero (te 112 no runga mai i te founu apaipai rima)
Te State Emergency Service (SES)	Te 132 500
Te Konitara Oire	
Te numero founu o te RSPCS - 1300 363 736 no te ripoti'anga i tetai manu animara tei ngaro, me kore ra, tei kitea'ia mai .	
Te tauturu no te au manu tumu enua tei roko'i'a e te kino, me kore ra, tei mou ki roto i te ereere.	Te numero 1300 264 625 kapiki'anga no runga i te au manu animara
Te putuputu'anga akono i te au manu animara	

Ko teia tata'anga, e tuatua akakitekite ua e kua raveia teia ma te ngakau irinaki meitaki e kua tau teia. Kare te Department of Community Safety, te Emergency Management Queensland, te State Emergency Service e ariki i tetai atu aka'apa'anga me rokoia tetai tangata e te turanga kino e tona au apinga (e pera katoa te au kino tei tupu i muri mai) kia aia. Kare katoa e ariki'ia tetai akaapa'anga me kua irinaki tetai' au tangata ki runga i teia au tuatua akamarama'anga.